

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՕՐԵՆՔԸ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՄԱՔՍԱՅԻՆ ՕՐԵՆՍԳՐՔՈՒՄ ՓՈՓՈԽՈՒԹՅՈՒՆՆԵՐ ԵՎ ԼՐԱՅՈՒՄՆԵՐ
ԿԱՏԱՐԵԼՈՒ ՄԱՍԻՆ

Հոդված 1. Հայաստանի Հանրապետության մաքսային օրենսգրքի 48-րդ հոդվածի 3-րդ մասում`

1) «մաքսավճարի, որը հաշվարկվում է առանց նվազեցումների» բառերը փոխարինել «սույն կետում նշված դեպքերի» բառերով,

2) լրացնել հետևյալ բովանդակությամբ նոր պարբերություններ.

«Այն դեպքերում, երբ`

ա. վերամշակման նպատակով արտահանված ապրանքների համար «ներմուծում` ազատ շրջանառության համար» մաքսային ռեժիմի համար նախատեսված է 0 տոկոս մաքսատուրք, սակայն օրենքով նախատեսված է ԱԱՀ-ի գանձում ներմուծման պահին, իսկ վերամշակված ապրանքների ներմուծման համար «ներմուծում` ազատ շրջանառության համար» մաքսային ռեժիմով ներմուծվող ապրանքների համար նախատեսված է 0 տոկոս մաքսատուրք և միաժամանակ` ներմուծման պահին ԱԱՀ-ի գանձում օրենքով նախատեսված չէ, կամ

բ. վերամշակման նպատակով արտահանված ապրանքների համար «ներմուծում` ազատ շրջանառության համար» մաքսային ռեժիմի համար նախատեսված է 10 տոկոս մաքսատուրք և միաժամանակ օրենքով նախատեսված է ԱԱՀ-ի գանձում ներմուծման պահին, իսկ վերամշակված ապրանքների ներմուծման համար «ներմուծում` ազատ շրջանառության համար» մաքսային ռեժիմով ներմուծվող ապրանքների համար նախատեսված է 0 տոկոս մաքսատուրք և միաժամանակ` ներմուծման պահին ԱԱՀ-ի գանձում օրենքով նախատեսված չէ, կամ

գ. վերամշակման նպատակով արտահանված ապրանքների համար «ներմուծում` ազատ շրջանառության համար» մաքսային ռեժիմի համար նախատեսված է 10 տոկոս մաքսատուրք և միաժամանակ օրենքով նախատեսված է ԱԱՀ-ի գանձում ներմուծման պահին, իսկ վերամշակված ապրանքների ներմուծման համար «ներմուծում` ազատ շրջանառության համար» մաքսային ռեժիմով ներմուծվող ապրանքների համար նախատեսված է 0 տոկոս մաքսատուրք և միաժամանակ օրենքով նախատեսված է ԱԱՀ-ի գանձում ներմուծման պահին, ապա`

ապրանքներ տեղափոխող անձի կողմից վճարման ենթակա մաքսային վճարները հաշվարկվում են` ելնելով վերամշակված ապրանքների և վերամշակման նպատակով արտահանված ապրանքների մաքսային արժեքների տարբերությունից` կիրառելով վերամշակված ապրանքների ներմուծման համար «ներմուծում` ազատ շրջանառության համար» մաքսային ռեժիմով նախատեսված մաքսատուրքի դրույքաչափը և ավելացված արժեքի հարկով հարկման կարգը:

Այս ռեժիմով արտահանված ապրանքները ներմուծելիս մաքսավճարը հաշվարկվում է առանց նվազեցումների:»:

Հոդված 2. Օրենսգրքի 102-րդ հոդվածի 1-ին մասի 8702 ծածկագրին դասվող տողից հետո լրացնել հետևյալ բովանդակությամբ նոր տող.

«

8703	Թեթև մարդատար ավտոմեքենաներ, նախատեսված միայն մարդկանց տեղափոխելու համար	0	0
------	--	---	---

»:

Հոդված 3. Սույն օրենքն ուժի մեջ է մտնում 2013 թվականի հունվարի 1-ից: